

მოთხოვნა საგრანტო განაცხადზე (RFA)**No. 095-1011-002-S-2019****გამოქვეყნების თარიღი: 30 ოქტომბერი, 2019****განაცხადის წარდგენის ბოლო ვადა: 29 ნოემბერი, 2019**

ძვირფასო აპლიკანტო:

USAID ზრდა პროექტი საქართველოში (ზრდა პროექტი), რომელსაც ახორციელებს ქემონიქს ინტერნეიშენალი (Chemonics International), საგრანტო კონკურსის ფარგლებში აცხადებს აპლიკაციების მიღებას ზრდა პროექტის სამიზნე რეგიონებში მდებარე კვების ობიექტებისათვის. გრანტები გაიცემა და განხორციელდება როგორც ზრდა პროექტის გრანტების მართვის შიდა პოლიტიკის, ისე USAID-ისა და ამერიკის შეერთებული შტატების სამთავრობო რეგულაციების შესაბამისად.

დაინტერესებულ აპლიკანტებს საშუალება ექნებათ დასვან კითხვები და მიიღონ მითითებები აპლიკაციის შევსებასთან დაკავშირებით ზრდა პროექტის მიერ გამართულ საინფორმაციო შეხვედრებზე შემდეგი განრიგის მიხედვით:

- 6 ნოემბერი, 2019 14:00 სთ - ახმეტა, ჭანტურიას 36 (ყოფილი გენერალ ლესელიძის ქუჩა)
- 8 ნოემბერი, 2019 10:30 სთ - მარნეული, რუსთაველის ქუჩა № 48
- 11 ნოემბერი, 2019 14:00 სთ - ბორჯომი, რუსთაველის ქუჩა № 107ა (სასტუმრო „ბორჯომის ხეობა“)
- 12 ნოემბერი, 2019 10:30 სთ - ახალციხე, წმინდა დავით და კონსტანტინეს ქუჩა, #21ა
- 18 ნოემბერი, 2019 11:00 სთ - გორი, სტალინის გამზირი № 27/1
- 19 ნოემბერი, 2019 11 სთ - ზუგდიდი, რ. ლალიძის ქუჩა #3 (საქველმოქმედო ჰუმანიტარული ცენტრი „აფხაზეთის“ ოფისი)

გთხოვთ გაითვალისწინოთ, რომ ზრდა არ აანაზღაურებს საინფორმაციო შეხვედრაზე დასასწრებად გაწეულ ხარჯებს.

ზრდა პროექტის თანამშრომლებს არ აქვთ უფლება მოითხოვონ, ხოლო აპლიკანტებს ეკრძალებათ შესთავაზონ მათ ფული, საკომისიო, გასამრჯელო, წილი, საჩუქარი, ფულადი საჩუქარი, ღირებული ნივთი ან კომპენსაცია იმის სანაცვლოდ, რომ დაუმსახურებლად მოიპოვონ ან მიიღონ ხელსაყრელი პირობები აღნიშნულ მოთხოვნასთან დაკავშირებით. პროექტის თანამშრომლისგან ნებისმიერი შეუფერებელი მოთხოვნის შესახებ უნდა ეცნობოს პროექტის ხელმძღვანელს, ბრაიან კინგს ელექტრონულ ფოსტაზე: bking@zrda.ge ან გაიგზავნოს ელექტრონულ ფოსტაზე BusinessConduct@chemonics.com.

ქვემოთ მოცემულია დოკუმენტების სია, რომლებიც წარმოადგენენ წინამდებარე მოთხოვნის დანართებს და წარდგენილ უნდა იქნენ სააპლიკაციო ფორმასთან ერთად:

დანართების ჩამონათვალი:

- დანართი A - განაცხადის ფორმა;
- დანართი B - მოთხოვნილი სერტიფიკატები;
- დანართი C - სავალდებულო სტანდარტული პირობები, რომლებიც ხელმისაწვდომია შემდეგ ბმულებზე:
<http://www.usaid.gov/sites/default/files/documents/1868/303mat.pdf>
<http://www.usaid.gov/sites/default/files/documents/1868/303mab.pdf>
- დანართი D - ზრდა პროექტის სამიზნე რეგიონების სია (არ არის საჭირო ამ დოკუმენტის დართვა წარმოდგენილი განაცხადისთვის).

სექცია I. პროგრამის აღწერა

IA. მიზანი

ზრდა პროექტი აცხადებს საგრანტო პროგრამას კვების ინდუსტრიაში ჩაბმული სუბიექტებისთვის მიკრო, მცირე და საშუალო საწარმოების განვითარების ხელშეწყობისა და ტექნიკური დახმარების გაწევით, ბიზნესებისა და ტექნიკური უნარების გაუმჯობესებას ინდივიდუალური კონსულტაციებით/გადამზადებით.

საგრანტო პროგრამის მთავარი მიზანია ტურიზმის სექტორის განვითარების ხელშეწყობა, პროექტის სამიზნე გეოგრაფიულ არეალში არსებული ბიზნესების ზრდითა და გაძლიერებით. სხვადასხვა ორგანიზაციული, ტექნიკური და ადამიანური რესურსების შესაძლებლობების გაძლიერების პროგრამებთან ერთად, ზრდა პროექტი გააუმჯობესებს ტურიზმის ინდუსტრიაში ჩართული სუბიექტების/მოთამაშეების კონკურენტუნარიანობას საგრანტო პროგრამის განხორციელებით.

IB. Zrda პროექტის შესახებ

ზრდა პროექტი საქართველოში წარმოადგენს USAID-ის მიერ დაფინანსებულ ხუთწლიან პროექტს, რომელსაც ახორციელებს ქემონიქს ინთერნეიშენალი (Chemonics International). ზრდა პროექტის მიზანია ადგილობრივი სუბიექტების კვალიფიკაციის, პროდუქტიულობისა და ბიზნეს კავშირების გაძლიერება მოწყვლადი ოჯახებიდან მიკრო, მცირე და საშუალო საწარმოების (MSMEs) ფორმირებამდე, რათა მათ შეძლონ თავიანთი წვლილის შეტანა ფართომასშტაბიანი ეკონომიკური ზრდისა და სამიზნე თემების მდგრადობის გაძლიერებაში. ზრდა პროექტი ხელს შეუწყობს მიკრო, მცირე და საშუალო საწარმოების (MSMEs) ზრდა-განვითარებას, გაზრდის სოფლად მცხოვრები მოსახლეობის შემოსავლების გამომუშავების შესაძლებლობებსა და წახალისებს მწარმოებლებსა და მყიდველებს შორის საბაზრო კავშირების დამყარებას საბაზრო ეკონომიკის გაძლიერების მიზნით. შედეგად, ზრდა პროექტი შექმნის სამუშაო ადგილებსა და გაზრდის შემოსავლებს როგორც მიკრო, მცირე და საშუალო საწარმოებისთვის, ისე საოჯახო მეურნეობებისთვის, აამაღლებს სამიზნე თემებში მდგრადობასა და ცხოვრების დონეს.

IC. პროგრამის დეტალური აღწერა

ტურიზმის ინდუსტრიაში მიკრო, მცირე და საშუალო საწარმოების (MSMEs) ჩაბმის უზრუნველსაყოფად მათ მიერ მეტი შემოსავლების გამომუშავებისა და მოგების გაუმჯობესების მიზნით, ზრდა პროექტი აცხადებს საგრანტო პროგრამას პროექტის სამიზნე მუნიციპალიტეტებში არსებული კვების ობიექტებისთვის/ბიზნესებისთვის.

აღნიშნული საგრანტო პროგრამა არის დაყოფილი ქვემოთ ჩამოთვლილ 2 კომპონენტად:

- **კომპონენტი A** - ინდივიდუალური კონსულტაციები/ქოუჩინგი ბენეფიციარების საჭიროებების შესაბამისად, 4 მიმართულებაში:
 - ✓ კონცეფციის შემუშავება
 - ✓ მენიუს შექმნა (შესაბამისი გათვლებით)
 - ✓ HR სტრუქტურა და პლიუს სერვისები
 - ✓ გასტრო მარკეტინგი და კომუნიკაციები
- **კომპონენტი B** - ზრდა პროექტის დაფინანსების მოპოვება სხვადასხვა აღჭურვილობისა და სერვისების მიღების მიზნით, კვების ბიზნესების გასავითარებლად. გრანტის ფარგლებში ნებადართული ხარჯების მაგალითებია:
 - ✓ სარესტორნო და სამზარეულო მოწყობილობები
 - ✓ შესაფუთი მასალები და/ან მოწყობილობები
 - ✓ პერსონალის გადამზადება და შესაძლებლობების ზრდა.
 - ✓ კომპიუტერული პროგრამები
 - ✓ უნიფორმები
 - ✓ სერვისებთან დაკავშირებული მოწყობილობები
 - ✓ ციფრული და ბეჭდური მარკეტინგული მასალები არსებული ან ახალი პროდუქტებისთვის/მომსახურებისთვის, რომელიც გულისხმობს ვებგვერდების შექმნას, ბრენდირებას/ლოგოების შემუშავებას და სხვა მასთან დაკავშირებულ სერვისებს.
 - ✓ ავეჯი და ბიზნეს დეკორაციები
 - ✓ კომპიუტერები და სხვა მასთან დაკავშირებული მოწყობილობები რომელიც ხელს შეუწყობს ბიზნეს მენეჯმენტის პრაქტიკების გაუმჯობესებას.
 - ✓ გენერატორები, სოლარული პანელები ან ელექტროენერგიის გამომუშავებელი სხვა მცირე სისტემები.

ინიციატივები რომლებიც მიზნად ისახავს განახლებას ან მშენებლობას არ განიხილება. განახლებასთან / მშენებლობასთან დაკავშირებული ხარჯები შესაძლებელია დაიფაროს აპლიკანტის თანამონაწილეობის თანხიდან.

აქტივობა შედგება ორი ეტაპისგან:

ეტაპი 1:

ამ მოთხოვნის ფარგლებში მიღებულ განაცხადებს (კონცეპტუალური მოსაზრებები), ზრდა პროექტი შეაფასებს და შეარჩევს, სექცია V-ში მოცემული კრიტერიუმების შესაბამისად.

ყველა შერჩეული აპლიკანტისათვის, სავალდებულოა ზრდა პროექტის მიერ შეთავაზებული ქოუჩინგის გავლა, კომპონენტი B-ში მონაწილეობის მისაღებად.

კომპონენტი A-ს ფარგლებში, ზრდა პროექტის მიერ წინასწარ შერჩეული ვენდორი ჩაუტარებს შერჩეულ აპლიკანტებს ინდივიდუალურ კონსულტაციებს და შეაფასებს მათ საჭიროებებს. სერვის პროვაიდერი მოამზადებს ინდივიდუალურ რეკომენდაციას თითოეული ბიზნესისათვის.

ეტაპი 2:

კომპონენტი A-ს დასრულების შემდეგ, აპლიკანტებს მიეცემა შესაძლებლობა წარმოადგინონ სრული აპლიკაცია (ბიუჯეტის და შესყიდვების გეგმის ჩათვლით). ამ ეტაპზე განაცხადის წარდგენისას, აპლიკანტებს შესაძლებლობა ექნებათ გამოიყენონ/გაითვალისწინონ, კონსულტანტის მიერ მიცემული რეკომენდაციები.

ზრდას შეფასების კომიტეტი შეაფასებს განაცხადებს და შეარჩევს აპლიკანტებს სექცია V-ში მოცემული კრიტერიუმების შესაბამისად. შეფასების კომიტეტმა შესაძლებელია ჩართოს დარგის ექსპერტები შეფასების პროცესის მსვლელობისას.

პრიორიტეტი მიენიჭება ყველაზე მკაფიოდ წარმოდგენილი ინიციატივის კომერციულ/ბიზნეს ელემენტებს.

ID. ნორმატიული / მარეგულირებელი რეგლამენტები

ზრდა პროექტის გრანტები ეფუძნება აშშ საგარეო საქმეთა შესახებ კანონისა და USAID-ის წინასწარი დირექტივების სისტემას (ADS). ორგანიზაციებმა უნდა შეასრულონ [ADS თავი 303](#), საფუძველზე წარმოდგენილი სახელმძღვანელო, „გრანტები და თანამშრომლობის ხელშეკრულებები არასამთავრობო ორგანიზაციებისთვის“ და დაექვემდებარონ USAID [სტანდარტული დებულებები აშშ არასამთავრობო მიმღებებისთვის](#), ასევე ზრდას გრანტების გაცემის შიდა პროცედურებს.

ADS 303 მიუთითებს დამატებით მარეგულირებელ დოკუმენტს, რომელიც გამოსცა აშშ-ს მთავრობის მენეჯმენტის და ბიუჯეტის განყოფილებამ (OMB) და აშშ საერთაშორისო განვითარების სააგენტომ.

- 2 CFR 200 [ერთიანი ადმინისტრაციული მოთხოვნები, თვითღირებულების პრინციპები, და აუდიტური მოთხოვნები ფედერალური კონტრაქტებისთვის, ქვე-ნაწილი E](#) (აშშ აპლიკანტები მთლიანად ექვემდებარებიან 2 CFR 200)
2 CFR 200 სრული ტექსტში იხილეთ http://www.ecfr.gov/cgi-bin/text-idx?tpl=/ecfrbrowse/Title02/2cfr200_main_02.tpl

ზრდა პროექტმა უნდა უზრუნველყოს, რომ ყველა ორგანიზაციამ, რომელიც იღებს USAID საგრანტო სახსრებს, შეასრულოს ზემოთ მითითებული რეგულაციები, რომელიც ვრცელდება მათი გრანტების პირობებსა და დებულებებზე.



USAID იტოვებს უფლებას ნებისმიერ დროს მთლიანად ან ნაწილობრივ შეწყვიტოს, ზრდა პროექტის უფლებამოსილება გრანტების გაცემის ნაწილში.

ნაწილი II. ინფორმაცია გრანტის გაცემის შესახებ

ბიუჯეტი: ამ აქტივობისათვის ზრდას გამოყოფილი აქვს მთლიანი დაფინანსების თანხა **218,000 ლარის** ოდენობით. სულ დაგეგმილია საშუალოდ **15 გრანტის** გაცემა, თითოეული გრანტისათვის გამოყოფილია მაქსიმუმ **14,535 ლარი**. ზრდას ბიუჯეტი მოიცავს ორ ნაწილს:

- A. ხარჯები რომლებიც უკავშირდება კონსულტაციებს/ქოუჩინგს - **4,535 ლარამდე**
- B. ხარჯები, რომლებიც უკავშირდება აღჭურვილობის/მასალების/სერვისების შეძენას - **10,000 ლარამდე**

ზრდა პროექტს არ გააჩნია მთლიანი დაფინანსების თანხის სრულად ათვისების ვალდებულება. არასაკმარისი რაოდენობით განაცხადების მიღებისას ან მიღებული განაცხადებით თუ არ მოხდება მთლიანი დაფინანსებისთვის გამოყოფილი თანხის სრული ათვისება, ზრდა პროექტს შეუძლია ხელახლა გამოაცხადოს საგრანტო პროგრამის შესახებ ან გაახანგრძლივოს განაცხადების წარდგენის ვადა/პერიოდი.

თანამონაწილეობა: კომპონენტი A-ს ფარგლებში არ მოითხოვება თანამონაწილეობა აპლიკანტებისგან. ხოლო კომპონენტი B-ს ფარგლებში, ყველა გრანტის მიმღები ვალდებულია უზრუნველყოს მთლიანი ბიუჯეტის 50%, როგორც კონტრიბუცია **მხოლოდ ნაღდი ფულის** სახით. ბიუჯეტი ნათლად უნდა ასახავდეს დეტალებს თუ რომელი ხარჯები დაიფარება ზრდა პროექტის მიერ და რომელი ხარჯები დაიფარება აპლიკანტის მიერ გაღებული კონტრიბუციით. კონტრიბუცია უნდა იყოს სრულად დოკუმენტირებული ინვოისებითა და სხვა დამატებითი დოკუმენტაციებით, რომელთა წარდგენაც შესაძლებელია მოითხოვოს ზრდამ. პროექტისთვის ფულადი კონტრიბუცია უნდა იქნეს წინასწარ გაღებული ზრდის მიერ თანხების გადახდამდე ან ზრდა პროექტის მიერ ბენეფიციარისთვის მოწყობილობების შეძენამდე.

ის კანდიდატები რომლებიც წარმოადგენენ უფრო მაღალ ფულად თანამონაწილეობისას, შეფასდებიან უფრო დადებითად. არაფულადი კონტრიბუცია განიხილება როგორც დამატებითი თანამონაწილეობად გრანტის მიმღების მხრიდან, თუმცა განხილვის პროცესში ქულობრივი სისტემით არ შეფასდება.

საგრანტო პერიოდად გათვლილია **მაქსიმუმ 1 წელი**. გრანტის დაწყების სავარაუდო თარიღი არის **2019 წლის დეკემბერი**.

გრანტის ტიპის განსაზღვრა მოხდება გრანტის მიმღებებთან მოლაპარაკებების ეტაპზე.

ნაწილი III. კონკურსზე დასაშვებ აპლიკანტთა შერჩევის კრიტერიუმები

- ფიზიკური პირები უნდა იყვნენ საქართველოს მოქალაქეები და გამოხატავდნენ მზაობას დარეგისტრირდნენ როგორც გადასახადის გადამხდელები ან ინდივიდუალური მეწარმეები;
- ორგანიზაცია ან კომპანია უნდა იყოს მოქმედი, რომელიც რეგისტრირებულია საქართველოს შესაბამისი უფლებამოსილი ორგანოს მიერ; კერძო, მოგებაზე ორიენტირებული ბიზნესი უნდა იყოს მინიმუმ 51%-ით ქართულ საკუთრებაში არსებული და მოქმედი;
- აპლიკანტი უნდა ოპერირებდეს ზრდა პროექტის სამიზნე ტერიტორიაზე;
- განაცხადი უნდა აკმაყოფილებდეს თანამონაწილეობის მინიმალურ მოთხოვნებს (როგორც დადგენილია თითოეული საგრანტო კატეგორიისთვის);
- გრანტის მიღებამდე, აპლიკანტებმა ხელი უნდა მოაწერონ ამ მოთხოვნას თანდართულ მოწმობებს და ზრდა პროექტი განიხილავს მათ წარმოდგენილ აპლიკაციებთან ერთად;
- ამ მოთხოვნის საფუძველზე გაცემული ნებისმიერი ისეთი გრანტის შემთხვევაში, რომელიც არ არის წარმოდგენილი ნატურით და/ან შეადგენს ან აჭარბებს 25,000 ამერიკულ დოლარს, გრანტის მიმღებ პირებს მოეთხოვებათ, რომ საგრანტოხელშეკრულებაზე ხელმოწერის მომენტამდე წარმოადგინონ მონაცემთა უნივერსალური ნუმერაციის სისტემით (DUNS) მინიჭებული ნომერი. თუ აპლიკანტს აქვს DUNS ნომერი, ის უნდა მითითებულ იქნას განაცხადში. წინააღმდეგ შემთხვევაში, აპლიკანტები ვალდებული არიან, აიღონ ნომერი გრანტის მიღების მომენტამდე. ზრდა პროექტი დაეხმარება წარმატებულ აპლიკანტებს DUNS ნომრის მიღების პროცესში. ამ ნომრის მიღება შესაძლებელია ინტერნეტით შემდეგ ვებ გვერდზე <http://fedgov.dnb.com/webform/pages/CCRSearch.jsp>
- წარმატებული აპლიკანტი იმუშავებს ზრდა პროექტის მარკირების და ბრენდინგის გეგმის შესაბამისად. ზემოხსენებული გეგმა დართული იქნება საგრანტო ხელშეკრულებაზე.

შენიშვნა: აღნიშნულ საგრანტო კონკურსში მონაწილეობის მიღება შეუძლიათ სტარტაპებსაც.

ნაწილი IV – განაცხადის შევსება და წარდგენა

IVA. ინსტრუქციები აპლიკანტებისთვის

აპლიკანტმა უნდა წარმოადგინოს სტრატეგიები IC პუნქტში აღწერილი პროგრამის განსახორციელებლად, მათ შორის ინოვაციური მიდგომები, რომლებიც შეესაბამება მათი ორგანიზაციის ძლიერ მხარეებს.

IVA2. საგრანტო განაცხადი

ამ საგრანტო განაცხადის ფარგლებში მიღებული აპლიკაციების შეფასება მოხდება ორ ეტაპად. პირველ ეტაპზე, აპლიკანტებმა უნდა წარმოადგინონ შევსებული გამარტივებული საგრანტო განაცხადი (დანართი A). განაცხადი ხელმოწერილი უნდა იყოს აპლიკანტის უფლებამოსილი პირის მიერ. ყველა აპლიკანტი რომლის აპლიკაციაც დააკმაყოფილებს სექცია VA1-ში მოცემულ კრიტერიუმებს, გაივლის საკონსულტაციო/ქოუჩინგის პროცესს (კომპონენტი A). მეორე ეტაპზე, ყველა იმ ბიზნესს, რომელსაც გავლილი ექნება კომპონენტი A, ექნება საშუალება გამოავლავნოს

სრული აპლიკაცია. ზრდა პროექტის შეფასების კომიტეტი შეაფასებს მიღებულ აპლიკაციებს სექცია VA2-ში მოცემული კრიტერიუმების შესაბამისად.

IVA3. ხარჯები, რომლებიც არ ანაზღაურდება ზრდა პროექტის მიერ:

ზრდა პროექტის გრანტის ფარგლებში მიღებული სახსრები არ შეიძლება გამოყენებულ იქნას შემდეგი აქტივობებისთვის:

- ცერემონიები, წვეულებები და სხვა პირადი სახის ღონისძიებები
- მუშახელთან დაკავშირებული ხარჯები
- ბიზნესის სამუშაო კაპიტალი
- ცოცხალი პირუტყვი
- მშენებლობა ან ნებისმიერი სახის ინფრასტრუქტურული საქმიანობა. მშენებლობა ასევე მოიცავს სარემონტო სამუშაოებს, რეკონსტრუქციას, გადაკეთებას და აღდგენის ხარჯებს.
- ცერემონიების, საღამოების, დღესასწაულების ან წარმომადგენლობითი ხარჯები.
- შეზღუდული საქონლის შესყიდვები, როგორცაა: შეზღუდული სასოფლო-სამეურნეო პროდუქტები, ავტომობილები მათ შორის მოტოციკლები, ფარმაცევტული პრეპარატები, სამედიცინო მოწყობილობები, კონტრაცეპტივები, მეორადი აღჭურვილობა; ზრდა პროექტის წინასწარი ნებართვის გარეშე მოპოვებულ, ან აკრძალული საქონელი, აკრძალული საქონელი USAID რეგულაციების თანახმად, მათ შორის და არა მხოლოდ შემდეგი: აბორტის მოწყობილობა და მომსახურებები, ფუფუნების საგნები და სხვა.
- ალკოჰოლური სასმელები.
- იმ საქონლის ან მომსახურებების შესყიდვა, რომელიც იზღუდება ან იკრძალება USAID წყარო / წარმოების ადგილი მოქმედი რეგულაციის შესაბამისად, (კუბა, ირანი, ჩრდილოეთ კორეა და სირია).
- ნებისმიერი შესყიდვა ან საქმიანობა, რომელიც უკვე განხორციელებულია.
- შესყიდვები ან საქმიანობები, რომელთა შესრულება არ ემსახურება ზრდა პროექტის გრანტით განსაზღვრულ მიზნებს.
- გრანტის მიმღების წინა (გრანტის მიღებამდე) ვალდებულებები და/ან ვალები, საურავები და პირგასამტეხლოები.
- შემოწირულობების ფონდების შექმნა.

IVB. განაცხადის წარდგენა

განაცხადები წარდგენილ უნდა იქნას ქართულ ან ინგლისურ ენაზე.

განაცხადების წარდგენა/ჩაბარება შესაძლებელია ელექტრონულად შემდეგ ელექტრონულ ფოსტაზე: subawards@zrda.ge და/ან ბეჭდური ფორმით ზრდა პროექტის ოფისებში, შემდეგ მისამართებზე:

- თბილისი, რამიშვილის ქუჩა #9, I ჩიხი, 3-4 სართული, 0179

- ზუგდიდი, რ. ლაღიძის ქუჩა #3 (საქველმოქმედო ჰუმანიტარული ცენტრი “აფხაზეთის” ოფისი)
- ახალციხე, წმინდა დავით და კონსტანტინეს ქუჩა, #21ა
- გორი, სტალინის გამზირი № 27/1
- მარნეული, რუსთაველის ქუჩა № 48
- ახმეტა, ჭანტურიას 36, (ყოფილი გენერალ ლესელიძის ქუჩა)

განაცხადში აუცილებლად უნდა მიეთითოს მოთხოვნის (RFA) **No. 095-1011-002-S-2019**.

განაცხადების შემოტანის ბოლო ვადაა **2019 წლის 29 ნოემბერი, 17:00 სთ**, ადგილობრივი დროით. დაგვიანებული ან შეუსაბამო განაცხადები არ განიხილება.

ნაწილი V. განაცხადის შეფასება

როგორც სექცია არის მოცემული, აპლიკაციების შეფასების პროცესი წარმართება ორ ეტაპად:

- პირველ ეტაპზე, აპლიკანტებმა უნდა წარმოადგინონ შევსებული გამარტივებული სააპლიკაციო ფორმა.
- აპლიკაციის დადებითად შეფასების შემთხვევაში, შერჩეული აპლიკანტები გაივლიან ზემოთ აღნიშნული კონსულტაციების/მენტორინგის კომპონენტს და მხოლოდ მათ ექნებათ შესაძლებლობა წარმოადგინონ სრული აპლიკაცია შეფასების შემდეგი ეტაპისათვის.

VA1. პირველი ეტაპი - გამარტივებული განაცხადის (კონცეფციის) შეფასების კრიტერიუმები

გამარტივებული განაცხადების შეფასება მოხდება ზრდა პროექტის შეფასების კომიტეტის მიერ, შემდეგი კრიტერიუმების შესაბამისად:

- აკმაყოფილებს თუ არა აპლიკანტი კონკურსზე დასაშვებობის კრიტერიუმებს?
- აქვს თუ არა აპლიკანტს გამოცდილება შესაბამის სფეროში?
- აპლიკანტის მიერ შემოთავაზებული პროექტი შეესაბამება თუ არა ზრდა პროექტის მიზნებს?
- განხორციელებადია თუ არა პროექტის დიზაინი და ტექნიკური მიდგომა?
- არის თუ არა პროექტი მდგრადი/ფინანსურად თვითმყოფადი?

VA2. მეორე ეტაპი - სრული განაცხადის შეფასების კრიტერიუმები

სრული განაცხადები შეფასდება კრიტერიუმების მიხედვით, რომლებიც მითითებულია ქვემოთ ცხრილში:

შეფასების კატეგორია	შეფასება (ქულა)
პროექტის მიზანშეწონილობა და ტექნიკური მიდგომა	20 ქულა
მართვის და განხორციელების შესაძლებლობა	30 ქულა

ხარჯთეფექტურობა	20 ქულა
მდგრადობა / ფინანსური თვითმყოფადობა	20 ქულა
2 ან მეტი ახალი სამუშაო ადგილის შექმნა	10 ქულა
ჯამური ქულა	100 ქულა

შენიშვნა: განაცხადები რომლებიც მიიღებენ 70-ზე ნაკლებ ჯამურ ქულას, არ განიხილება.

ნაწილი VI. ინფორმაცია გრანტის მიღებისა და ადმინისტრირების შესახებ

ყველა გრანტი ექვემდებარება საბოლოო მოლაპარაკებას, დაითვლება და გაიცემა *ქართულ ლარი*. განაცხადებს თან უნდა ერთვოდეს დეტალური და რეალისტური ბიუჯეტი, როგორც ეს აღწერილია სექცია IV-ში.

გრანტის ფარგლებში გაწეული ყველა ხარჯი უნდა იყოს დასაშვები, დათვლადი და გონივრული/მიზანშეწონილი.

წინამდებარე მოთხოვნის გამოქვეყნება და განაცხადის შევსების პროცესში დახმარება არ გულისხმობს ზრდა პროექტის მიერ გრანტის გაცემას ან არ ავალდებულებს მას აპლიკანტების მიერ განაცხადის მომზადებასა და წარდგენაში გაწეული ხარჯების დაფარვას. გარდა ამისა, ზრდა პროექტი უფლებას იტოვებს მიიღოს ან დაიწუნოს ნებისმიერი ან ყველა მიღებული განაცხადი და უფლებამოსილია მოითხოვოს დამატებითი განმარტებები განმცხადებლებისაგან. აპლიკანტებს წერილობით ეცნობებათ მათი განაცხადების თაობაზე მიღებული გადაწყვეტილების შესახებ.